

*Te Kabwianibwai
ao Te Anga Karea n
Aki Mamatam*



“*Kam na kabane kabwianibwai
n urakin nakon te auti ni
kaiko bwai, . . . ao kam na kataai
ngkai n aei, bon ana taeka Iehova
Tabaota, ba tao Nna kauki mataro-
an nako karawa nakoimi,
ma n nurakina kakabwaiami.”*

Maraki 3:10

Tamam are i Karawa e tangiriko ao e kan kaka-bwaiako n aanga aika kaokoro inanon maium. Tuua ake E anga rinanoia Ana burabeti a na buokiko n anganiko te maiu ae kakukurei. Te tua ibukin kabwa-kaan te kabwianibwai, are e kaokaki rinanon te Burabeti Iotebwa Timiti, e anganiko te tai bwa kona ira te waaki ni katean Uean te Atua iaon te aonaaba. Te ongeaaba nakon te tua aei bon te bwai ae kainnanoaki ibukin te bwabetito nakon Ana Ekaretia Iesu Kristo Ibukiia Aika Itiaki ni Boong Aika Kaitira.

*A korakora kakabwaia
aika beritanaki nakoia
ake a ongeaba nakon
tuan kakabwakaan te
kabwianibwai.*

Tera te Kabwianibwai?

Te kabwianibwai bon kabwakaan te katebwi man bwaai are e karekea temanna nakon ana Ekaretia te Atua. Te tua aei e a tia ni kaman ataaki n tain te O Tetemanti. Te burabeti ae Maraki e reirei bongan te kabwianibwai ao kakabwaia ake a reke man te ongeaaba n te tua aei:

“Kam na kabane kabwianibwaai n urakin nakon te auti ni kaiko bwai, . . . ao kam na kataai ngkai n aei, bon ana taeka te Uea ae tabu, bwa tao n na kauki mataroan kara-wa nakoimi ma n nurakina kakabwaiami, ni karokoa aki-reke nneia.” (Maraki 3:10).

N 1838 e kaokioka te tua aei te Uea rinanon te Burabeti Iotebwa Timiti:

E taku te Uea bwa Ana aomata a na kabwaka teuana-katebwina aia kareke mwane n te ririki. Aio e na riki bwa te tua nakoia n aki toki (tara Doctrine and Covenants 119:3–4). *Te raka* e a bon tia n ataaki ae kananonaaki iai te kareke mwane.

A tabu ami kabwianibwai nakon te Uea, ao ko Karinea man kakabwakaan am kabwianibwai. Kabwakaan te kabwianibwai bon kaotan am onimaki iroun te Atua ao Ana mwakuri.

E Aera Bwa Nna Anga au Kabwianibwai?

Bwaai ake a raraoi inanon maium bon te bwai n tangira mai iroun Tamam are i Karawa ae tangiriko. Ngkana ko anga 10 te katebubua Nakoina, ao ko kaota iai am tangira, am onimaki, ao am kakaitau. Ko kaotia nakon te Atua ae ko na Rimwiina e ngae ngke iai te kangaanga; ko kaotia nakoina bwa ko Onimakinna nakon onimakinan am mwane ao bwaai riki tabeua. Ibukin am kakaonimaki ni koaua, Tamam are i Karawa e berita nakoim kakabwaia aika a rangi ni korakora nakon bwaai ake ko anga.

E ngae ngke iai aomata aika e kangaanga kakoauan ae a kona ni kabwaka teuana-te katebwina man aia kareke mwane, taan kabwaka kabwianibwai aika a kakaonimaki a kakoaua bwa aki kona n ae a na aki kabwaka aia kabwianibwai. N te kawai ae koaua ao ni kamimi, a uki





mataroan karawa, ao kakabwaia a bwaro iaoia. N aron te tina temanna ae akea buuna n ana kabwara-bwara nakon natina te mwaane, “I aki kona [ni kaikawai ngkami ataei] n akean ana kakabwaia te Uea, ao I karekei kakabwaia man kakabwakaan te kabwianibwai ni koaua. Ngkana I kabwaka au kabwianibwai, I karekea ana berita te Uea are e na kakabwaiai, ao ti karekei kakabwaia ngkana ti kakaraoia ” (Dallin H. Oaks, *Ensign*, Meei 1994, 33).

Kabwakaan te kabwianibwai e kaota am onimaki ibukin Iesu Kristo. Ngkana ko onimakinna, ko na karekea te korakora, te kairiiri, ao te boutoka are ko kainnanoia ibukin maium.

Korakoran te maiu n tamnei e reke man onimakinan te Uea. Ngkana ti kaitarai kangaanga inanon te maiu, ti riai ni karikirakea te onimaki, ana kairiiri te tamnei, ao te ninikoria. Kakabwaia aikai a kona ni bwaro man wintoon karawa ma imwiin te ongeaba ni kaawakinan te tua ibukin te kabwianibwai.

Ni ikotaki ma anne, a rawata aomata ake a kunea bwa taan kabwaka kabwianibwai aika kakaonimaki a kona ni babairea aron aia mwane ao ni kaitarai aron kainnanoia. Kabwakaan te kabwianibwai e reireiniira n tiatiana aron mataiakinan bwaai tabeua ao ni kokoaua nakoia raora. Ti reiakina onimakinan are ti a tia n anganaki, rinanon taian kakabwaia iroun te Uea ao aron korakoran wanawanara, e tau ibukin kainnanora.



Tiaki tii n te mwaiti are ko karekea, kona kakabwaiaki ngkana ko kabwakaa am kabwianibwai. Ngke e noora te aine Iesu ni katikui ana mwane n te nne ni kawakin mwane ibukin te tembora, E tuangia Ana reirei, “Bwa e nnei ni kamwaiti riki ana bwai te aine ae mate buna, nakoia akekei ni kabaneia ake a nnei inanon te nne ni mwane, bwa a bane nnei mani kaubwaia, ma neiei . . . ake roona man aki-kaubwaina” (Mareko 12:43–44).

A Kamanenaaki ni Kanga Mwanen te Kabwianibwai?

Te kabwianibwai bon ana tua te Uea ibukin mwanen ana Ekaretia. Angabwai ibukin te kabwianibwai a kamanenaaki n taai nako ibukin ana iango te Uea, are E kaotia rinanoia kauntira ibukiia Ana toro. Aikai aron kabonganana tabeua:

- Katean ao katamaroan tembora, taabo n taromauri ao tabeua riki ibukin kateitein te Ekaretia.
- Boutokaan ana waaki n reirei ao kabutan aroia kaain te Ekaretia n aia tabo nako.
- Boutokaan te burokuraem ibukin te Ekaretia, n ikotaki ma te reirei ao kakae rongorongo ibukiia utu ngkoa.

A kabwaakaki kabwianibwai irouia aomata n tatabemwaniia, ao rongorongo ibukin te kabwaka mwane a rangi ni kawakinaki taekaia n te aro ae tabuaki kaotakia.



Te Aki Mamatam ao te Anga Mwane n Aki Mamatam

Ni ikotaki ma kabwakaan te kabwianibwai, ti a tia n tuangaki bwa tina anga ara bwai ni buokia aomata ake akea aia bwai ao a kainnano. Teuana te anga ni karaoan aei bon man te aki mamatam ao n tiku n akea te amwarake ke te ran ibukin uoua te tai n amwarake. E kaoka te reirei n aki mamatam te Uea rinanon te Burabeti ae Iotebwa Timiti, ao e baireaki teuana te Taabati n te namwakaina ibukin te bong n aki mamatam. Te aki mamatam, are e a tia n riki bwa kanikinaean te ekaretia ae koaua, bon te tai ae reke ibukin kabouan te maiu n tamnei, ao karikirakean arora ni kaan ma Tamara are i Karawa.

Ni iteran te aki mamatam, a anga kaain te Ekaretia te mwane n aki mamatam n tangira ibukiia aika akea aia bwai ao ni kainnano. Te anga mwane aei e na aki raka iaon boon uoua te tai n amwarake are kaain te Ekaretia a tia n aki kanna inanon aia tai n aki mamatam. Taian mwane aikai a kamanenaaki ibukin karekean amwarake, te tabo ni katantan, ao ibukin riki kainnano tabeua, ibukiia kaain te tabo ke te aonaaba.

Akea tokin te anga mwane ae e a tia ni baireaki ibukin te mwaiti n te anga mwane n aki mamatam. Ngkana ko anga ma te nano n tangira ibukin kataumwane aikai, ko na kakabwaiaki ibukin te maiu n tamnei ao n rabwata ibukin nanom ni buokiia tabeman.





REITAN TE KAMATEBWAI

Aikai titiraki ao koroboki aika tabu ake a na buokiko ni iangoi riki reirei n te boki ae uarereke aei. Bwaai aika a na taraaki inano ao booki riki ni kakoaua tabeua ni koroboki aika tabu a na buokiko ni kairiko nakon boota n rongorongo riki tabeua ibukin reirei aikai.

E Aera Ngkai E Kakawaki te Kabwianibwai?

Nakoiaia Ibonga 27:30 (Baibara, O Tetemanti)

Ruka 12:16–21 (Baibara, Nu Tetemanti)

Baikara Kakabwaia aika a na reke man kabwakaan te kabwianibwai?

Maraki 3:8–12 (Baibara, O Tetemanti; tara naba 3 Nibwaai 24:8–12, Ana Booki Moomon, iteraniba 511)

Mataio 6:31–33 (Baibara, Nu Tetemanti; tara naba 3 Nibwaai 13:31–33, Ana Boki Moomon, iteraniba 489)

“Kabwianibwai,” *True to the Faith* (Te naan mitinare ke kaain te Ekaretia a kona ni buokiko n anganiko katotoon te boki aio. Ko kona naba ni karekea n te www.mormon.org.)

N na kanga ni buokiia aika akea aia bwai ao a kainnano?

Itaia 58:6–7 (Baibara, O Tetemanti)


Mataio 19:21 (Baibara, Nu Tetemanti)

Motiaeae 4:26 (Ana Boki Moomon, iteraniba 164)

Tera ae Nna Riai ni Karaopia?

- Reitanako warekan Ana Boki Moomon.

Katautau ibukin te wareware: _____



- Moana kabwakaan te kabwianibwai ae bwanin. Tataro ibukin te ibuobuoki ni kaawakinan tuua.
- Kaea te taromauri n te Taabati aei.
- Reitanako te katauraoi ibukin te bwabetito.
Bongin te Bwabetito: _____
- Nora www.mormon.org n reiakina riki rongorongan Ana Ekaretia Iesu Kristo Ibuikiia Aomata Aika Itiaki ni Boong Aika Kaitira.
- Reitanako aron te marooro ma mitinare n reiakina riki bwa a kanga ana tua te Atua ni kona ni kakabwaia maium.

Kabwaean te tai are imwiina: _____

Araia mitinare ao nambwan aia tareboon:

ANA EKARETIA
IESU KRISTO
IBUKIIA AIKA ITIAKI
NI BOONG AIKA KAITIRA

www.mormon.org

Taekan Tammei

Moan baan te boki, rongorongo man *Christ as the Rich Young Ruler*, iiron Heinrich Hofmann, Ana mwannano C. Harrison Conroy Co., Inc.

Iteraniba 8, rongorongo man *All That She Had*, iiron Simon Dewey. © Simon Dewey

Iteraniba 5, 6, 11, 14 iiron Steve Bunderson. © Steve Bunderson

Iteraniba 13 iiron Steve Bunderson ao Monique Saenz. © Steve Bunderson

© 2007 iiron Intellectual Reserve, Inc. Boretiaiki n te USA. Karaiakaki n te Ingiriti: 2/06.

Karaiakaki rairana: 02/06. Rairan te *Tithing and Fast Offerings* Kiribati

KIRIBATI



4 02011 51859 6

01151 859